
CONSEJERÍA DE EDUCACIÓN

Resolución de la Consejería d'Educación de primer modificación de la Resolución de 28 de xineru del 2026, de la Consejería d'Educación, pola que se convoquen les pruebas de certificación de competencia xeneral pa los niveles Básicu A2, Intermediu B1, Intermediu B2, Avanzáu C1 y Avanzáu C2 de les enseñances d'idiomes de réxime especial del añu 2026 nel Principáu d'Asturies.

RESOLUCIÓN

FUNDAMENTOS DE DERECHU

El Decretu 105/2025, de 25 d'agostu, de primer modificación del Decretu 63/2018, de 10 d'ochobre, pol que s'establez la ordenación y el currículu de les enseñances d'idiomes de réxime especial nel Principáu d'Asturies estableció nel so artículu únicu, puntu ún, qu'esta modificación tien por oxetu incorporar la enseñanza de la llingua asturiana y, si ye'l casu, del gallego-asturianu o eonaviegu a les Escuelas Oficiales d'Idiomes del Principáu d'Asturies que se van impartir d'aluerdu colos niveles de competencia que se establezan reglamentariamente.

Les referencies a los niveles en llingua asturiana, d'aluerdu cola so disposición adicional cuarta d'esti decretu, correspuéndense colos regulaos nel Decretu 47/2019, de 21 de xunu, pol que s'establecen los niveles de competencia nel usu de la llingua asturiana y se regula la prueba de certificación correspondiente a estos niveles adaptaos al Marcu Común Européu de Referencia de les Llingües. Nel casu del gallego-asturianu o eonaviegu, la referencia a estos niveles va determinase cuando se complete la normativa que dexe disponer de los niveles de certificación.

De resultes de lo anterior, pa la organización de les pruebas de certificación de llingua asturiana nel añu 2026 va tase a lo dispuesto nel Decretu 63/2018, de 10 d'ochobre, pol que s'establez la ordenación y el currículu de les enseñances d'idiomes de réxime especial nel Principáu d'Asturies, el Decretu 105/2025, de 25 d'agostu, de primer modificación del Decretu 63/2018, de 10 d'ochobre, pol que s'establez la ordenación y el currículu de les enseñances d'idiomes de réxime especial nel Principáu d'Asturies, el Decretu 47/2019, de 21 de xunu, pol que s'establecen los niveles de competencia nel usu de la llingua asturiana y se regula la prueba de certificación correspondiente a estos niveles adaptaos al Marcu Común Européu de Referencia de les Llingües, el Decretu 192/2019, de 24 d'ochobre, pol que s'establez el preciu públicu pola inscripción nes pruebas de certificación de los niveles de competencia nel usu de la llingua asturiana y nel artículu únicu d'esta resolución de primer modificación de convocatoria.

Por too eso, vistos l'artículu 38 de la Llei 6/1984, de 5 xunetu, del Presidente y del Conseyu de Gobiernu del Principáu d'Asturies, el Decretu 50/2025, de 29 d'abril, pol que s'establez la estructura orgánica básica de la Consejería d'Educación, correxíu pol Decretu 68/2025, de 12 de mayu y modificáu pol Decretu 108/2025, de 22 de setiembre, amás del artículu 14 de la Llei del Principáu d'Asturies 2/1995, de 13 de marzu, sobre Réxime Xurídicu de l'Alministración del Principáu d'Asturies,

RESUELVO

Artículu únicu.— Modificar la Resolución de 28 de xineru del 2026, de la Consejería d'Educación, pola que se convoquen les pruebas de certificación de competencia xeneral pa los niveles Básicu A2, Intermediu B1, Intermediu B2, Avanzáu C1 y Avanzáu C2 de les enseñances d'idiomes de réxime especial del añu 2026 nel Principáu d'Asturies. Esta resolución queda modificada como sigue:

Ún.— Añádese un incisu al artículu undécimu, puntu 1, col tenor lliteral siguiente: «Pal casu de llingua asturiana van nomase les comisiones evaluadores que se precisen pa la xestión, alministración, evaluación y calificación de la prueba de certificación colos mesmos cometíos que los departamentos didácticos de cada escuela oficial d'idiomas pa los efectos de la certificación d'esta llingua».

Dos.- Añádese un puntu 4 bis al artículu undécimu, col tenor lliteral siguiente:

«4 bis. La calificación final de les pruebas de certificación de competencia xeneral de llingua asturiana de los niveles convocaos va espresase nos términos de “aptu”, “non aptu” y “non presentáu”».

Pa obtener la calificación de “aptu” va ser menester superar toes y caúna de les 5 actividaes de llingua de les que consten les pruebas, con una puntuación mínima de 5 puntos en caúna d'elles, obteniendo a lo menos un 6 nel promediu de les calificaciones de les cinco partes de la prueba, calculáu esti con redondéu a la décima.

La calificación final de “non presentáu” va corresponder a les persones que nun realicen ninguna de les partes de la prueba.

La calificación “non aptu” va corresponder a aquellos persones cuando:

- a) nun algamen una calificación de 5 puntos en dalguna o toles actividaes de llingua,
- b) dalguna de les partes nun se realizare,
- c) obtuvieren una calificación de 5 o más puntos en dalguna o toles partes, pero nun algamaren el promediu de 6 puntos necesariu pa certificar.

Anexu: Especificaciones pa la convocatoria de llingua asturiana

Calendariu d'inscripción llingua asturiana y niveles convocaos

Fecha/plazu	Actuación
Niveles convocaos: Básicu A2, Intermediu B2, Avanzáu C1	
Del 27 d' abril al 14 de mayu (dambos incluyíos)	Plazu d'inscripción nes pruebas de certificación de llingua asturiana.
29 de mayu	Publicación n'Educastur y nos centros d'inscripción de la llista provisional de persones almitíes y escluyíes.
1, 2 y 3 de xunu	Plazu d'allegaciones contra la llista provisional de persones almitíes y escluyíes.
12 de xunu	Publicación n'Educastur y nos centros d'inscripción de la llista definitiva de persones almitíes y escluyíes y sedes de realización de les pruebas.

Calendariu de celebración de les pruebas de llingua asturiana niveles básicu A2, Intermediu B2 y avanzáu C1

Bloque 1: Ejercicios correspondientes a les partes de Producción y coproducción de testos escritos, Comprensión de testos orales y Comprensión de testos escritos:

CONVOCATORIA ÚNICA (SETIEMBRE/OCHOBRE 2026)	
26 de setiembre (sábadu, horariu de mañana)	Realización de les pruebas. Bloque 1; exercicios correspondientes a: Producción y coproducción de testos escritos. Comprensión de testos orales. Comprensión de testos escritos.
A partir del 5 d'ochobre (horariu de tarde)	Realización de les pruebas Bloque 2; realización, d'aluerdu col calendariu y horariu publicáu de los exercicios correspondientes a les partes de: Producción y coproducción de testos orales. Mediación.

Bloque 2. Exercicios correspondientes a la parte de producción y coproducción de testos orales y de mediación.

Bloque 2 A partir del 5 d'ochobre, sesión de tarde	Convocatoria
	La convocatoria pa la realización de los exercicios de les partes de producción y coproducción de testos orales y de mediación va publicase nel centru de realización correspondiente, a lo menos un día primero del comienzu d'esta parte de la prueba. La convocatoria va incluyir la llista de persones convocaes d'aluerdu cola Llei Orgánica 3/2018, de 5 d'avientu, de Protección de Datos Personales y garantía de los derechos dixitales pa cada sesión, el sitiu y la franxa horaria na que van convocase, amás de cualquier otra información que s'estime oportuna.

Centros y niveles onde s'almiten solicitúes d'inscripción nes pruebas de certificación de llingua asturiana del añu 2026:

ESCUELES OFICIALES D'IDIOMES		NAMÁS VAN ALMITISE SOLICITÚES D'INSCRIPCIÓN PA LOS IDIOMES Y NIVELES D'ASTURIANU ESPECIFICAOS
EOI d'Avilés http://www.eoiaviles.org	C/ Dolores Ibarruri, 15 Avilés 33401 Tfno.:985 522049	Básicu A2 Intermediu B2 Avanzáu C1
EOI de Cangas del Narcea https://cangaseoi.wordpress.com/	C/ El Reguerón, e/n 33819 Cangas del Narcea Tfno.: 985 811708	Básicu A2
EOI de Xixón http://www.eoigijon.com/	C/ Puertu de Vegarada, e/n 33207 Xixón Tfno.: 985 393393	Básicu A2 Intermediu B2 Avanzáu C1
EOI de Llangréu http://www.eoilangreo.net	C/ David Vázquez, 4 33930 Llangréu	Básicu A2 Intermediu B2

	Tfnu.: 985 692363	
EOI de Lḷuarca http://www.eoiluarca.com/	C/ Villar, e/n 33700 Lḷuarca Tfnu.: 985 641433	Básicu A2
EOI de Llanes http://www.eoillanes.com/	C/ Celso Amieva, 13 33500 Llanes Tfnu.: 985 400524	Básicu A2
EOI de Mieres http://eoidemieres.org/	El Batán, e/n 33600 Mieres del Camín Tfnu.: 985 453154	Básicu A2 Intermediu B2
EOI d'Uviéu http://www.eoioviedo.org/	C/ Julián Clavería, e/n 33006 Uviéu Tfnu.: 985 271232	Básicu A2 Intermediu B2 Avanzáu C1

Contra esta resolución, que remata la vía alministrativa, pue interponese recursu contencioso-alministrativu énte la Sala de lo Contencioso-Alministrativu del Tribunal Superior de Xusticia d'Asturies, nel plazu de dos meses cuentaos dende l'otru día de notificase, ensin perxuiciu de la posibilidá d'interposición previa del recursu potestativu de reposición énte'l mesmu órganu que dictó l'actu nel plazu d'un mes, cuntáu dende l'otru día de la so notificación ensin que puedan simultaniase dambos recursos, d'alcuerdu colo estableció n'artículu 28 de la Llei del Principáu d'Asturies 2/1995, de 13 de marzu, sobre'l réxime xurídicu de l'Alministración, y nos artículos 123 y 124 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques, ensin perxuiciu de que l'interesáu/los interesaos puedan exercitar cualquier otu que-yos paeza oportunu.

Principáu d'Asturies, a 4 de marzu del 2026.

MARIA DOLORES BUENO ALDEA. La Directora xeneral d'Inclusión Educativa y Ordenación (P.D. Resolución de 21 de mayu del 2025. BOPA n^u 102 de 29-V-2025)

